



# 10-ıncı QIRIMTATAR YAŞLIQ QURULTAYI 10th CRIMEAN TATAR YOUTH KURULTAI


## -NETİCE BEYANNAMESİ-

16-18 Mayıs 2025  
ANQARA, TÜRKİYE

*Mogan Training Hotel*  
<https://maps.app.goo.gl/BWtuJ2bq1qERitwD6>

**Qırım Cemiyeti Umumiy Merkezi**  
**HQ of Crimean Association**

(Yurtdışı Türkler ve Akraba Topluluklar Başkanlığı'nın (YTB) yardımlarınen)  
(With the assistance of Presidency for Turks Abroad and Related Communities (YTB))



## 10. QIRIMTATAR YAŞLIQ QURULTAYI NETİCE BEYANNAMESİ


Biz;

2025 senesi Mayıs 16-18 künleri Ankarada ötkerilgen 10. Qırımtatar Yaşlıq Qurultayında iştirak etken Vatan Qırım, Türkiye, Romaniya, Ukraina, Litvaniya, İngiltere, Norveç, Almanya, İspanya, İrlanda, Özbekistan, Belçika, Bulgaristan ve İskoçya diasporalarının çeşit rayonlarından kelgen seksenden ziyade Qırımtatar Yaşlıq Vekilleri, şunu ilân etemiz:


1. Dünyadaki bütün Qırımtatarların yekâne ana vatani Qırımdır ve er Qırımtatarın vatanda yaşamaq aqqı bardır.
2. Bizler 1944 sürgünlüğini ve halqımızni ve onıñ medeniyetini yoq etüv maqsadinen yapılgan bütün areketlerni soyqırım ‘genotsid’ dep qabul etemiz.
3. Milletimizniñ serbest reylerinen saylanğan Qırımtatar Milliy Qurultayını ve Qırımtatar Milliy Meclisini, Qırımtatarların yekâne temsil ve qarar organı dep tanıyımız.
4. Bizler, bütün dünya halqlarına, azatlıq, demokratiya, insan aqları ve barışlıq perspektivasından baqamız.
5. Bizler, Türk dünyasınıñ ve İslâm aleminiñ ayrılmaz parçasımız.
6. Bizler, Qırım toprağında yaşağan qaysı dinden ve milletten olsa olsun bütün halqlarğa sevgi ve sayğı duyamız.
7. Bizler, Qırımtatar tili ve medeniyetini ebediyen saqlamağa qararlımız.
8. Cenkte canlarını coyğan bütün qabaatsız tıñ sakinlerni ürmetnen hatırlaymız. Bizim eñ esas talabımız Qırımın qanunsız ve qanunsız işğali tez vaqıtta bitmesi ve Ukrainanıñ territorial bütünligi tiklenmesidir. Rusiyeniñ Qırımdaki ruhsetsiz ve qanunsız repressiyaları neticesinde yaqalanğan ve apske mahküm etilgen bütün siyasiy mabuslerniñ, şu cümleden qırımtatar qardaşlarımızniñ tez vaqıtta azat etilmesini talap etemiz.

Bu fikirlere esaslanıp, 10. Qırımtatar Yaşlıq Qurultayı, yaşlıq faaliyetleri için şu qararları aldı;

1. Alınğan qararlarımızni amelge keçirmek için bu Qurultayımızğa qatnağan vekillerniñ episi mesüldir.
2. Alınğan qararların icra olunğanını taqip etmek, yapılacaq işlerni idare etmek ve nevbetteki toplaşuvlarımızniñ ötkerilüvi için çalışacaq bir koordinatsiyon komiteti teşkil etmege qarar alındı. Komitet şu şekilde teşkil olunacaq:
  - a. Qırımtatarlar yaşağan Ukraina, Türkiye, Romaniya ve Avrupa Birliginden delegeler boyunca temsilciler saylanacaq.
  - b. Komitet azaları bu Qurultayğa qatnağan vekillerden teşkil etilecektir. Bu komitetke ve Qurultayımızğa qatnamağa istegen er bir Qırımtatarına ve Qırımtatar teşkilatına qapımız açıqtır.
  - c. Delegeler memleketler ve regionlar boyunca olacaqtır. Memleket ve region temsilcileri öz vekillerini özara saylaycaqlardır. Delegeler şu şekilde olacaq:
    - i. Ukraina - Qırım– 3
    - ii. Türkiye –4
    - iii. Romaniya - 1
    - iv. Avrupa Birligi – 3



3. Tetqiq komitesi şekillendirilecek yapı için arama konferansında tartışılğan meselelerni esas alacaqtır.
4. Yaşlar arasındaki umumiy medeniy faaliyetlerni ömürge keçirmek için halqara fondlarını tedqiq etmek ve leyhalar kerçekleşirmesini uyğun köremiz. Bu fikir boyunca halqara bir yaşlıq teşkilatı qurmaq için komitetimizni mesüliyetlendiremiz.
  - 9 Aralık Milliy Qurultay Bayramı, diaspora teşkilatları tarafından her sene aktif şekilde kayd etilecek; bu tarihler milletimizniñ birlik ve tireniş ruhunu yaşatma vesilesi olacaqtır.
  - Her sene "Bir Tema / Sene" çerçivesinde faaliyetler teşkil etilmesi teşviq edilecektir. (Misal olaraq: "Numan Çelebi Cihan Senesi", "Qırım tatar Tiliniñ Senesi" ve benzer teşebbüsler.)
  - Qırım tatar Edebiyatı'nın Temel Eserleri tespit etilip, gençlerimiz için "Yüz Temel Eser" tarzında milliy bir bibliyografya azırlanacaq; bu bibliyografya dijital ortamda da erişime açılacaq ve maarif faaliyeti olarak kullanılacaq.
  - Bütün diaspora teşkilatları ve yaşlar arasında bağ qurmaq ve bilgi paylaşımını kolaylaştırmaq için Ortaq Platform ve Teknolojik Altyapı qurulmasına çalışılacaq; bu platform üzerinden ortaq faaliyetler ve iletişim temin etilecek.
  - Suniy Zekâ ve teknolojinin daha aktif olarak kullanılmasını sağlayıp daha çok kontent üretilmesi sağlanacaq.
  - 26 Haziran Bayraq kününe bütün delegatların iştiraginen video çıqarmağa karar berdik. Delegatlardan bizim tarafımızdan berilgen «Qaytarma» ustahanesinde ögrenen horeografiyalarnı icra etmek ve mümkün olsa olar delegat olğan memleketniñ belli bir yerinde videoğa yazmaq rica etilecek. Delegatlarğa yardım etmek için bu horeografiya ögretüv meşğuliyeti olaraq videoğa yazılıp, delegatlarğa yollanacaq. Kelgen videolardan bir kolaj çalışması yapılacaq ve açılan içtimaiy media saifelerinden paylaşılacak.
  - Halqara medeniyet ve sanat künleri ötkerilecek. İçki ve halqara iştirakni temin etmek için bu medeniyet ve sanat künleri ayrıca onlayn platformada keçirilecek. Sanat ve sportniñ çeşit saalarında roportaj ve konferentsiyalar keçirilecek.
  - Qırım tatar tilinden faal kullanmaq ve yaşlar ile balalar için oquvni kolaylaştırmaq için imkânlar yaratmaq için areketler yapılacaq (ikâye kitapları, animatsiya-video, til kampları, til ögrenüv platformaları ve ilâhre) ve onıñ faal kullanması teşviq etilecek.
  - Bütün platformalarda teşkil etilecek komissiya vastasinen dezinformatsionğa qarşı faal küreş alıp barılacaq.
  - Milli kimliğini coyma telikesi içinde olan Qırım tatar yaşları için milli değerleri tanıtıp daha meraqlı alğa getirmek maqsadinen milli değerlerin ögrenimini (eğitici videolar, modüller) sağlayacak ve bu saada faaliyet alacak bir komisyonun kurulması sağlanacaq.
  - Qırım tatar yaşları arasında milliy bilinç uyandırılması ve diaspora dayanışmasını pekitmek esas vazife olaraq qabul etildi. Bu bağlamda; Bütün dünya qırım tatar yaşlarına öz tarihiy miraslarını tanımaq, Qırım davasına saip çıqmaq ve umumiy milliy kimlik etrafında birleşmek için qoltutulacaq. Ortaq areket etme medeniyeti teşviq etilecek ve diaspora yaşlarının siyasiy meydanda aktifleşmesi yapılacaq. Bu ceetten, kerek olğanda, komissiyalar teşkil etilecek.
  - Qırım tatar meselesinin halqara kün tertibinde sürekli ve etkili şekilde yer almasını sağlamaq için aşağıdaki stratejik adımlar atılacaq: Birleşken Milletler, Avrupa Parlamentosu, Tamır Halklar Forumu ve benzer halqara platformlarda Qırım tatar gençlerinin temsilini sağlamaq için diplomatik takip ve hazırlıklar yürütülecek, yaşların bu platformalarda semereli şekilde



## 10. QIRIMTATAR YAŞLIQ QURULTAYI NETİCE BEYANNAMESİ

16 – 18 Mayıs 2025  
Ankara

seslerini duyurması için kapasite geliştirilecek, halkara teşkilatların qurumlar arası işbirliğı (BM, AB, Türk Devletleri Teşkilatı vb.) geliştirilecek ve Qırımtatar meselesi bu yapıların kün tertibinde taşınacaq.

Bu qararlar oy birliginen qabul etilgendir.

